

重刊巢氏諸病源候總論

十



血病諸候

凡九論

吐血候

夫吐血者皆由大虛損及飲酒勞損所致也但肺者五藏上蓋也心肝又俱主於血上焦有邪則傷諸藏藏傷血下入於胃胃得血則悶滿氣逆故吐血也但吐血有三種一曰內衄二曰肺疽三曰傷胃內衄者出血如鼻衄但不從鼻孔出是近心肺間津出還流入胃內或如豆汁或如衄血凝停胃裏因即滿悶便吐或去數升乃至一斛是也肺疽者言飲酒之後毒滿便吐吐已後有一合二合或半升一升是也傷胃者是飲食大飽之後胃內冷不能消化則便煩悶強嘔吐之所食之物與氣共上衝蹶因傷損胃口便吐血色鮮正赤

是也凡吐血之後體恒憊憊然心裏煩躁則亂紛紛顛倒不安寸口脉微而弱血氣俱虛則吐血閉上脉微而芤亦吐血脉細沈者生喘欬上氣脉數浮大者死久不瘥面色黃黑無復血氣時寒時熱

養生方云思慮傷心心傷則吐衄發則髮焦也

吐血後虛熱胃中否口燥候

吐血之後藏府虛竭榮衛不理陰陽隔絕陽虛於上故身體虛熱胃中否則口燥

嘔血候

夫心者主血肝者藏血愁憂思慮則傷心悲怒氣逆上而不下則傷肝肝心二藏傷故血流散不止氣逆則嘔而出血

唾血候

唾血者由傷損肺肺者為五藏上蓋易為傷損若為熱氣所

加則唾血唾上如紅縷者此傷肺也脇下痛唾鮮血者此傷肝  
關上脉微乾則唾血脉沈弱者生卒實者死其湯熨針石  
別有正方補養宣導今附於後

養生方導引法云伸兩脚兩手指着足五指上愈腰折不能  
低若唾血久疼爲之愈長伸兩脚以兩手捉五指七遍愈腰  
折不能低仰若唾血久疼血病久行身則可卷轉也

舌上出血候

心主血脉而候於舌若心藏有熱則舌上出血如涌泉

大便下血候

此由五藏傷損所爲藏氣既傷則風邪易入熱氣在內亦大  
便下血鮮而腹痛冷氣在內亦大便血下其色如小豆汁出  
時疼而不甚痛前便後下血者血來遠前下血後便者血來  
近遠近者言病在上焦下焦也令人面無血色時寒時熱脉

浮弱按之絕者下血

小便血候

心主於血與小腸合若心家有熱結於小腸故小便血也下部脉急而絃者風邪入於少陰則尿血尺脉微而孔亦尿血養生方云人食甜酪勿食大酢必變為尿血

九竅四支出血候

凡榮衛大虛府藏傷損血脉空竭因而恚怒失節驚忿過度暴氣逆溢致令腠理開張血脉流散也言九竅出血喘欬而上氣逆其脉數有熱不得卧者死

汗血候

肝藏血心之液為汗言肝心俱傷於邪故血從膏腠而出也

○髮毛病諸候

凡十三論

鬚髮禿落候

足少陽膽之經也其榮在鬚足少陰腎之經也其華在髮衝任之脉爲十二經之海謂之血海其別絡上唇口若血盛則榮於頭髮故鬚髮美若血氣衰弱經脉虛竭不能榮潤故鬚髮禿落

養生方云熟食汗出勿湯風令髮墮落其湯熨針石別有正方補養旨導今附於後

養生方云欲理髮向王地既櫛髮之始而微呪曰泥丸玄華保精長存左爲隱月右爲日根六合清煉百神受恩呪畢嗽唾三過能常行之髮不落而生

又云當數易櫛櫛之取多不得使痛亦可令侍者櫛取多血液不滯髮根常牢

令生髮候

手陽明爲大腸之經其支絡缺盆上頸貫頰入下齒間髭者是血氣之所生也若手陽明之經血盛則髭美而長血氣衰少則不生

### 白髮候

足少陰腎之經也腎主骨髓其華在髮若血氣盛則腎氣強腎氣強則骨髓充滿故髮潤而黑若血氣虛則腎氣弱腎氣弱則骨髓枯竭故髮變白也其湯熨針石別有正方補養宣導今附於後

養生方導引法云解髮東向坐握固不息一通舉左右手導引手掩兩耳治頭風令髮不白以手復持頭五通脈也

又云清曰初起左右手交互從頭上挽兩耳舉又引鬚髮即流通

又云坐地直兩脚以兩手指脚脛以頭至地調脊諸椎利髮根令長美坐舒兩脚相去一尺以拖脚兩脛以頂至

地十二通調身脊無遺害致精氣潤澤髮根長美以令青黑  
柔濡滑澤髮怕不白 又云伏解髮東向挫固不息一通舉  
手左右導引掩兩耳令髮黑不白伏者雙膝著地額直至地  
解髮破髻舒頭長敷在地向東者向長生之術挫固兩手如  
嬰兒握不令氣出不息不使息出極悶已三噓而長細引一  
通者一為之令此身囊之中滿其氣引之者引此舊身內惡  
邪伏氣隨引而出故名導引舉左右手各一通掩兩耳塞鼻  
孔三通除白髮患也 又云蹲踞以兩手舉足五趾低頭自  
極則五臟氣徧至治耳不聞目不明久為之則令髮白復黑  
又云正月十日沐髮髮白更黑 又云千過梳頭頭不白  
又云正月一日取五香葉作湯沐頭不白 又云十日沐浴  
頭不白 又云十四日沐浴令齒牢髮黑 又云常向本命  
柳髮之始叩齒九通陰呪曰太常散靈五老反真泥丸玄華

保精長存左廻拘月右引日根六合清煉百疾愈因咽唾三  
過常數行之使人齒不痛髮牢不白一云頭腦不痛又云  
思心氣上下四布正赤通天地自於大且長令人氣力增益  
髮白更黑齒落再生

令長髮候

髮是足少陰之經血所榮也血氣盛則髮長美若血虛少則  
髮不長須以藥治之令長

令髮潤澤候

足少陰之經血外養於髮血氣盛髮則光潤若虛則血不能  
養髮故髮無潤澤也則須以藥令其潤澤

髮黃候

足少陰之經血外養於髮血氣盛髮則潤黑虛竭者不能榮  
髮故令髮變黃

鬚黃候

足少陽之經血外榮於鬚血氣盛鬚則美而長若虛少不足不能榮潤於外故令鬚黃

令生眉毛候

足太陽之經其脉起於目内眦上額交顛血氣盛則眉美有毫血少則眉惡又眉為風邪所傷則眉脫皆是血氣傷損不能榮養故須以藥生之

火燒髮不生候

夫髮之生血氣所潤養也火燒之更瘡痕緻密則氣血下沈不能榮官腠理故髮不生

令毛髮不生候

足少陰之血氣其華在髮足太陽之血氣盛則眉美足少陽之血氣盛則鬚美足陽明之血氣盛則髮美手陽明之血氣

盛則髭美諸經血氣盛則眉髭鬚髮美澤若虛少枯竭則髮黃白悴禿若風邪乘其經絡血氣改變則異毛惡髮妄生也則源以藥傳令不生也

### 白禿候

凡人皆有九蟲在腹內值血氣虛則能侵食而蟻蟲發動最能生瘡乃成疽癰瘍疥之屬無所不為言白禿者皆由此蟲所作謂在頭生瘡有蟲白如甚痒其上髮並禿落不生故謂之白禿

### 赤禿候

此由頭瘡蟲食髮禿落無白如瘡有汁皮赤而痒故謂之赤禿

### 鬼舐頭候

人有風邪在於頭有偏虛處則髮禿落肌肉枯死或如錢大或如指大髮不生亦不痒故謂之鬼舐頭



面體病諸候

凡五論

蛇身候

蛇身者謂人皮膚上如蛇皮而有鱗甲卅謂之蛇身也此由血氣否澀不通潤於皮膚故也

面炮候

面炮者謂面上有風熱氣生炮頭如米大亦如穀大白色者是

養生方云醉不可露卧令人面發瘡炮

又云飲酒熱未解以冷水洗面令人面發瘡輕者被炮

面疔黧候

人面反上或有如烏麻或如雀卵上之色是也此由風邪客於皮膚痰飲漬於府藏故生疔黧

養生方云飽食而坐不行步有所作務不但無益乃使人得積聚不消之病及手足痺面目梨肝

酒鼓候

此由飲酒熱勢衝面而遇風冷之氣相搏所生故令鼻面生鼓赤炮巾巾然也

嗣面候

嗣面者云面皮上有滓如米粒者也此由膏腠受於風邪搏於津液津液之氣因虛作之也亦言因傳胡粉而皮膚虛者粉氣入腠理化生之也

重刊欽定諸病源候總論卷之二十七

重刊巢氏諸病源候總論卷之二十八

目病諸候

凡三十八論

目赤痛候

凡人肝氣通於目言肝氣有熱熱衝於目故令赤痛

目胎赤候

胎赤者是人初生洗目不淨令穢汁浸漬於眇使眇赤爛至大不瘳故云胎赤

目風赤候

目者肝之竅風熱在內乘肝其氣外衝於目故見風淚出目眇皆赤

目赤爛眇候

此由冒觸風日風熱之氣傷於目而眇眇皆赤爛見風彌甚

世亦云風眼

目數十年赤候

風熱傷於目皆則皆赤爛其風熱不去故皆常赤爛積年不  
瘥

目風腫候

目爲肝之外候肝虛不足爲冷熱之氣所干故氣上衝於目  
外復遇風冷所擊冷熱相搏而令瞼內結腫或如杏核大或  
如酸棗之狀腫而因風所發故謂之風腫

目風淚出候

目爲肝之外候若被風邪傷肝肝氣不足故令目淚出其湯  
熨針石別有正方補養官導今附於後

養生方導引法云踞伸右脚兩手抱左膝頭生腰以鼻內氣  
自極七息除難屈伸拜起去脛中痛痺風目耳聾

**又云**踞伸左脚兩手抱右膝生腰以鼻內氣自極七息展左足著外除難屈伸拜起去脛中疼一本云除風目暗耳聾

**又云**以鼻內氣左手持鼻除目暗泣出鼻內氣口閉自極七息除兩脅下積血氣

**又云**端坐生腰徐以鼻內氣以右手持鼻除目暗淚若出閉目吐氣鼻中息肉耳聾亦然除傷寒頭痛洗洗皆當以汗出為度

目淚出不止候

夫五臟六腑皆有津液通於目者為淚若臟氣不足則不能收制其液故目自然淚出亦不因風而出不止本無赤痛

目膚翳候

陰陽之氣皆上注於目若風邪痰氣乘於腑臟腑臟之氣虛實不調故氣衝於目久不散變生膚翳膚翳者明眼睛上有

物如蠅翅者即是

目翳覆瞳子候

此言肝臟不足爲風熱之氣所干故於目睛上生翳翳久不散漸漸長侵覆瞳子

目息肉淫膚候

息肉淫膚者此由邪熱在臟氣衝於目熱氣切於血脈蘊積不散結而生息肉在於白睛膚臉之間即謂之息肉淫膚也

目暗不明候

夫目者五臟六腑陰陽精氣皆上注於目若爲血氣充實則視瞻分明血氣虛竭則風邪所侵令目暗不明

養生方云恣樂傷魂魄通於目損於肝則目暗其湯熨針石別有正方補養宣導今附於後

養生方導引法云蹲踞以兩手舉足五趾頭自極則五臟氣

